

# Mikrokreditna fondacija Prizma uspješno završila ljetnu kampanju „Prizmin kredit sa 5 zvjezdica,,

Za samo dva mjeseca plasirali preko 25.000 kredita i dodijelili 555 nagrada!

Mikrokreditna fondacija Prizma je u nedjelju, 12. oktobra, u svom regionalnom centru Tuzla upriličila svečanu dodjelu glavnih nagrada u sklopu ljetne kampanje "Prizmin kredit sa 5 zvjezdica". Treću nagradu, mobitele Samsung M600, osvojili su Ademović Rabija iz Tuzle i Bišić Semir iz Gračanice, dok je drugu nagradu LCD TV Samsung 32" osvojio Selimović Redo iz Živinica. Dobitnica glavne nagrade "Život sa Prizmom" je Mehmedović Samila iz Srebrenice. Inače, u ovoj nagradnoj igri, koja je provedena pod zaštitnim znakom "555", Prizma je podijelila 555 vrijednih nagrada od kojih je najvrednija i ujedno glavna nagrada "Život sa Prizmom".



Koncept nagrade zasnovan je na misiji i viziji Prizme i predstavlja finansiranje troškova života godinu dana u vrijednosti od 500 KM mjesečno. Dodijeljeno je šest glavnih nagrada i to po jedna u svakoj regiji u kojoj Prizma djeluje (Banja Luka, Bihać, Mostar, Sarajevo, Tuzla i Zenica). Ove vrijedne nagrade dobitnici su osvojili kao korisnici "Prizminog kredita sa 5 zvjezdica".

Ono što je razlikovalo ovu kampanju od ostalih bio je izuzetno bogat fond nagrada, a sama kampanja je rađena u saradnji sa strateškim partnerom, koji je jedan od vodećih telekom- operatera u BiH.

Pokazatelj koliko je kampanja bila uspješna je činjenica da je Prizma u periodu od samo dva mjeseca stekla preko 25.000 novih klijenata, što predstavlja rast u broju klijenata od preko 60%.

Po riječima Almire Bajrić, šefa ureda Tuzla, ova kampanja je na području regije Tuzla naišla na veliku zainteresovanost i odziv građana.

«Ovom prilikom bih naglasila da je zahvaljujući dobro provedenoj ljetnoj kampanji mikrokreditna fondacija Prizma potvrdila svoju leadersku poziciju na tržištu mikrofinansija u Bosni i Hercegovini. Takode, istakla bih da je zahvaljujući velikom odzivu klijenata Prizma proširila svoje operacije i na regije u kojima do sada nije bila prisutna u značajnoj mjeri.»

Po riječima generalnog direktora gospodina Crnkčić Kenana, «Prizma iz preko 40 filijala djeluje na cjelokupnom prostoru Bosne i Hercegovine i upošljava blizu 200 mladih i visoko motivisanih uposlenika, a u svom dosadašnjem radu je isplatila preko 165.000 kredita u ukupnom iznosu od preko 240 miliona KM. Trenutno opslužuje blizu 60.000 klijenata i ima portfolio od preko 70 miliona KM.»

Pored izuzetno dobrih ostvarenih rezultata, ova organizacija je dobitnik velikog broja prestižnih domaćih i međunarodnih nagrada i priznanja, od kojih se posebno ističu nagrada za visoki nivo transparentnosti u poslovanju i finansijskom izvještavanju, koju dodjeljuje CGAP i Svjetska banka, nagrada Ujedinjenih nacija za najbolje prakse u poslovanju, te nagrada za «Najpoželjnijeg poslodavca u 2008.».

